



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj: 01-\_\_\_\_\_/21  
Datum: \_\_. \_\_. 2021. godine

NACRT

Na osnovu člana 14. stav (1) tačka 28. Statuta Općine Tešanj („Službeni glasnik Općine Tešanj“ broj 11/07) Općinsko vijeće Općine Tešanj, na sjednici održanoj \_\_\_\_\_ donosi

**ODLUKU  
o izmjeni i dopuni Poslovnika o radu Općinskog vijeća Tešanj**

**Član 1.**

Ovom Odlukom vrši se izmjena i dopuna Poslovnika o radu Općinskog vijeća Tešanj (Službeni glasnik Općine Tešanj” broj 3/18).

**Član 2.**

Dopunjuje se član 1. na način da se dodaje novi stav koji bi glasio: „Gramatička terminologija korištenja muškog i ženskog roda za pojmove u ovom Poslovniku uključuje oba roda.“

Dopunjuje se član 17. Poslovnika o radu na način da se dodje stav 4. koji bi glasio: „Prilikom imenovanja predsjedavajućeg Vijeća i zamjenika predsjedavajućeg Vijeća vodit će se računa o manjem zastupljenom spolu u skladu sa Gender akcionim planom Općine ukoliko postoji uvjeti za to.“

**Član 3.**

U članu 42. Poslovnika o radu Općinskog vijeća Tešanj dodaje se:

novi stav 4. koji bi glasio: „Izuzetno, tokom stanja prirodne ili druge nesreće, kada nije moguće redovno održavanje sjednice Vijeća, može se održati sjednica Vijeća i online.“

novi stav 5. koji bi glasio: „Općinsko vijeće može donositi sve akte osim onih kojima se vrši mijenjanje i dopuna Statuta Općine i Poslovnika o radu vijeća.“

i novi stav 6. koji bi glasio: „Online sjednica se može održati ukoliko zahtjev za istu uputi najmanje 16 vijećnika.“

**Član 4.**

U članu 64. dodaje se novi stav 7., dok bi postojeći stav 7. postao stav 8., koji bi glasio:

„Zahtjev za poimeničnim glasanjem vijećnika mogu podnijeti predsjedavajući Vijeća, jedan od klubova vijećnika ili najmanje pet vijećnika koji su prisustvovali glasanju dovedenom u pitanje“.

Novonastali stav 8. se mijenja tako da isti glasi: „Poimenično glasanje vrši se se tako što se svaki prozivani vijećnik izjašnjava „ZA“ ili „PROTIV“ prijedloga ili se „UZDRŽAVA“ od glasanja kada ga za to prozove Sekretar vijeća ili Predsjedavajući vijeća.

**Član 5.**

Ova Odluka stupa na snagu narednog dana od dana objavljivanja u “Službenom glasniku Općine Tešanj”.

**PREDSJEDVAJUĆI OV  
Amir Kurtic, dipl.ing.elteh.**

## PRAVNI OSNOV

- Član 14. stav (1) tačka 28. Statuta Općine Tešanj („Službeni glasnik Općine Tešanj“ broj 11/07)
- Član 27. Poslovnika o radu Općinskog vijeća Tešanj (Službeni glasnik Općine Tešanj” broj 3/18).

## RAZLOZI ZA DONOŠENJE

Donošenje ove Odluke proizašlo je iz podnesenih Inicijativa vijećnika Elme Ćeman, Ernada Deljkica, i Inicijative Komisije za pitanja mladih i ravnopravnost spolova, Komisija je svoj rad, pojašnjenja, stavove iskazala u Mišljenju dana 21.10.2021. godine, koje je jednoglasno usvojeno od strane Komisije, a na osnovu čega je izrađen ovaj prijedlog Odluke.

U prilogu ove Odluke dostavlja se:

Mišljenje o prijedlozima za izmjenu i dopunu Poslovnika o radu Općinskog vijeća od 21.10. 2021. godine

Na osnovu svega navedenog, predlaže se Općinskom vijeću da usvoji Nacrt i uputi isti u javnu raspravu.



**PREDLAGAČ**

**Statutarna komisija Općinskog vijeća**

*Muhamed Hundur*

**Muhamed Hundur, predsjednik**

**Broj 01-45-1-2545-3/21**

**Datum 01.11.2021.godine**